

AKHBAR : BULETIN TV3

TARIKH : 11 MEI 2023

SENTIMEN : POSITIF

MUKA SURAT : ONLINE

HARI : KHAMIS



UTAMA TERKINI NASIONAL MAHKAMAH POLITIK JENAYAH SUKAN LUAR NEGARA

## Norliza dilantik sebagai Pengerusi PTPTN yang baharu

⌚ 11 Mei 2023, 5:35pm



Datuk Seri Hj. Mohamed Khaled Nordin/Facebook

KUALA LUMPUR: Naib Ketua Wanita UMNO, Datuk Norliza Abdul Rahim, dilantik sebagai Pengerusi Perbadanan Tabung Pendidikan Tinggi Nasional (PTPTN) yang baharu.

Menteri Pengajian Tinggi, Datuk Seri Mohamed Khaled Nordin mengumumkan pelantikan itu menerusi satu kenyataan di Facebook beliau, hari ini.

“Beliau mempunyai pengalaman lebih 30 tahun dalam bidang pembangunan harta tanah, pengurusan harta dan dasar perumahan awam merangkumi sektor kerajaan serta swasta.

“Tahniah dan selamat maju jaya diucapkan. Semoga dengan lantikan ini, beliau dapat menerajui PTPTN dalam memperkasa fungsi dan peranannya bagi mengurus pembiayaan kewangan dan pinjaman pelajaran pendidikan tinggi dengan strategik dan inovatif,” katanya.

Pada November 2021, Norliza dilantik sebagai pengerusi UDA Holdings Berhad (UDA).

Norliza memiliki Ijazah Sarjana Pentadbiran Perniagaan (Perakaunan), Ijazah Sarjana Muda Perancangan Kewangan Lanjutan dan Ijazah Sarjana Muda Perdagangan dan Pengurusan (Perakaunan).

Beliau juga mempunyai pengalaman luas dalam menerajui beberapa syarikat milik kerajaan dan swasta yang tersenarai di bursa merangkumi bidang harta tanah, perkapalan dan juga universiti awam dan koperasi.

Norliza juga pernah dilantik sebagai Ahli Dewan Negara dari 2011 hingga 2017.

<https://www.buletintv3.my/nasional/norliza-dilantik-sebagai-pengerusi-ptptn-yang-baharu/>